

簡易醫訣卷二

新都周雲章松僊甫著

男祖佑孫琛校刊

雜病口訣

暑證

暑爲病 中太陽 火與溼 兩義彰

仲師云。太陽中暍。以暑邪中太陽經。故提出太陽二字以醒之。恐後人誤認爲熱邪也。暑之中人。隨人身陰陽爲傳化。如其人陽府多火。暑卽寓於火之中。爲汗出惡寒身熱而煩渴之證。

此無形之熱傷肺經。主白虎加人參湯以救之。如其人陰藏多溼。暑卽伏於溼之內。爲身熱重疼。脈微弱之證。此有形之溼傷肺氣。主一物瓜蒂散以通之。兩方對出。義可例推。尤在涇曰。暑雖陽邪。其氣常與溼相合。陽求陰之義也。暑因溼入。而暑反居溼之中。陰包陽之象也。夏月伏陰。故陰證爲多。

經脈辨 標本詳 百合證 悟奇方

仲師詳中暍之陰證。其云太陽中暍發熱者。病太陽標陽之氣也。惡寒者。病太陽本寒之氣也。身重而疼痛。病太陽通體之脈也。其脈弦細芤遲。肺氣傷也。小便已。灑灑然毛聳。手足逆冷者。

病本寒之氣。而不得陽熱以化之也。小有勞身卽熱。口開前板齒燥者。病標熱之氣。而不得陰液之化也。此中太陽標本經脈皆病。治當求其標本。益其經脈。若妄施汗下溫針。則大誤矣。按太陽爲寒水之經。寒是其本。熱是其標。中見少陰。仲景有論無方。余於金匱章中悟出妙法。金匱論中喝列白虎瓜蒂二方之後。繼以百合病。其言百合者。百脈朝宗於肺。以肺爲主。而百脈之所重者。在少陰。太陽兩經。以太陽統六經之氣。其經上通顛頂。下通水道。少陰爲生水之源。少陰之樞機不利。故小便已灑灑然毛聳。本註以溺時頭痛。小便已灑然毛聳爲提綱。病在

氣分。與此證。臆合。因誤出百合知母湯。爲暑證陽病救陰法。百合滑石代赭石湯。爲暑證陰病救陽法。百合雞子黃湯。爲暑病心煩不眠之內證。亦陽病救陰法。百合生地湯。爲暑病鬱久不解耗傷氣血法。百合滑石湯。爲暑病變熱清歛法。瓜萋牡蠣散。方爲暑病渴不止法。按法推求。絲絲入扣。以病在氣分。不容以重藥耗也。陳修園以麻翹赤豆湯。借治心煩口渴頭痛汗出之外證。黃連阿膠湯。借治心煩不眠之內證。豬苓湯。主口渴便赤。瘀熱在裏。麻翹赤豆湯。有育陽利溼之妙。俾暑邪從小便出。

天水散

滌暑良

生脈散

卻暑商

建中法

治虛長

凡暑證。總以口渴心煩。溺赤手熱。脈洪爲的證。輕者爲傷暑。主
天水散。卽六一散。滌蕩暑邪。從小便出。兼主水瀉。加硃砂名益
元散。尤有鎮心利溼之妙。生脈散。預服防暑。大有功效。以夏
月。心火主政。心動而不靜。陰虛之人。此時多見口渴心煩。五心
熱。四肢酸。頭痛。汗多之證也。
大暑時。溽暑交蒸。人多食生冷。或浴冷水。以取快。豈知伏陰在
內。凝陽必戰。當時卽發。則爲霍亂吐瀉。絞腸痧等證。不卽發。秋
後必作瘧痢等證。可不慎歟。霍亂絞腸。必主通脈四逆湯。理中

湯等爲要方。

安逸人體虛中暑必多身熱無汗惡寒口渴脈

虛之證宜生脈散。時方六和湯亦佳。若大汗不止主黃芪建中

湯。吐瀉昏悶不醒千金消暑丸。研灌如神。汗多脈大白虎

加人參湯。或汗出身熱足冷者名夾溼。再加蒼朮如神。如苦

勞役忽然猝倒陰證也。主通脈四逆湯。

香薷飲

解表裏

清絡飲

暑溫匡

清宮湯

內鬱將

暑閉發熱無汗身疼口燥舌乾吐瀉者主香薷飲發越陽氣徹

上徹下爲外邪內鬱正藥。夏月發表峻品如冬月之麻黃。凡用

經方有麻黃以此易之。如傷風爲暑風角弓反張抽搐狀者。

無汗。主香薷飲。有汗。主生脈散。合桂枝湯。汗多。脈散大喘促。欲脫者。主大劑參麥散。暑溫寒熱。但咳無痰。欬聲清者。清絡飲。加甘桔。杏麥知母。主之。暑溫夾溼。咳聲重濁。痰涎多者。小半夏加苓。樸杏仁。主之。大人小兒。猝中暑溫。身熱忽然。瘧狀。名暑癘。清營湯。主之。瘰癧。加勾藤。丹皮。羚羊。紫雪丹。亦效。暑溫寒熱。舌白不渴。吐血者。名暑瘵。爲難治。清絡飲。加杏仁。薏米。滑石。主之。百合。滑石。代赭。湯。亦妙。旋覆花。湯。亦可治之。蔓延三焦。舌滑微黃。邪在氣分者。主三石湯。舌紅苔少。邪搏血分者。主清宮湯。神識不清。熱閉內竅者。先與紫雪丹。後與清宮湯。伏

暑久鬱三焦。舌灰白。胸痞潮熱。嘔惡煩渴。自利汗出。小水短。主杏仁滑石湯。鬱久消渴。或麻痺。或心熱煩燥。神昏者。均主連梅湯。入厥陰見證具者。主椒梅湯。誤汗吐下。主百合三法。若誤治傷胃。延及下二焦。胸滿氣滯。煩渴燥亂。清濁交混者。主來復丹。心下痞。諸瀉心。可以借治。溼化而熱存者。內伏陽明。按法以調胃。承氣消息之。久熱神識不清。陰液元氣兩傷者。主三才湯。伏暑證。脈微而數。頭常痛。微惡寒。面赤口渴。秋冬均有之。有汗者。生脈散。加芩地。無汗者。治以辛涼。主銀翹散。

白虎加人參湯 太陽中暍汗惡寒 身熱煩渴火之端 白虎

加參陰液救 熱清汗歛卽時安

石膏 六錢 知母 三錢 甘草 一錢 粳米 四錢 加人參 二錢 加蒼朮

二錢 主夾溼足冷如神

一物瓜蒂湯 暍病陰陽要認真 身熱重疼得其因 暑爲溼

戀名陰暑 一物甜瓜蒂可珍

甜瓜蒂 二十七枚 水煮三杯至二杯去渣服 按暑證病在氣

分誤汗則爲重暍難治瓜蒂能去四肢水氣水去卽溼去暑邪
自己

百合知母湯

暑由誤汗大傷陰

百合去涎知益金

維陽救

陰天水合

別煎泉水是金針

百合

七枚

知母

三兩

百合先漬一宿

去涎

另以泉水二升

煮

一升

知母如法另煎

均去渣

取二汁

合煮濃

分四五次服

按肺主百脈

夏月表虛

百脈開張

病形不一

病既屬肺

非實而

不順

卽虛而不足

百合甘斂

治邪實

補正氣

知母益水源

通膀胱

天水交合

既爲維陽

救陰法

知母救肺陰

使膀胱水府

知有

母氣

救肺卽救膀胱

爲陽病

救陰法

分煎合煮

所以行肺部陰

陽之氣也

主汗多

及汗后法

百合滑石代赭湯 暑由誤下治尤差 既下還須竭舊邪 代

赭鎮心滑利水 陷邪下達效堪誇

百合 七枚 代赭石 彈大一枚 滑石 一兩 分煎合煮法全上 誤

下熱陷傷陰。或不由誤。內鬱入陰。皆主之。百合清肺引水源。代
赭鎮心阻熱上騰。滑石利水導熱下達。俾陷邪之熱。由小便出。
自無灼陰之患。按陰氣傷。故溺時灑然毛聳。單用滑石恐通
府利竅。仍蹈出汗之弊。重以代赭鎮心經之氣。使無汗泄之虞。
是陰病救陽法。按六一散加神砂。即從此方套出。主下後證。
百合雞子黃湯 暑由誤吐吐傷中 須仗陰精上奉功 百合

七枚雞黃一

救肺之母胃和衷

百合

七枚

雞子黃

一枚

煮如上法。

吐傷中氣爲傷陰。以雞黃。

救厥陰之陰。以安胃。而救肺之母氣。亦陽病救陰法。主吐後證。

百合生地黃湯

不因汗吐下諸傷

形但如初守太陽

地汁

一升百合七

陰柔最足化陽剛

百合

七枚

生地黃汁

一升

製如上法。

中病勿過服。大便當下。

如漆爲度。暑病不因汗吐下。久病如故者。仍守太陽一經治之。按久而病形如初。鬱傷氣血。分辨之。

百合滑石散 前此寒無熱亦無 變成發熱熱堪虞 清疏滑

石治表裏 百合能教肺氣舒

百合 一兩 滑石 一兩 共末服之。微利則熱除。按暑邪鬱久變

熱而發熱者。乃內熱充滿。淫於肌膚。不比浮熱。惟此能去之。

括樓牡蠣散 渴如不止屬浮陽 牡蠣樓根等分量 研末飲

調方寸匕 寒兼鹹苦效非常

括樓根 生牡蠣 等分末 暑病口渴不止。乃裏陰不復。陽

亢外擾也。括樓寒以生津。牡蠣鹹以潛陽。神妙無比。

又按太陽中暈。汗吐下溫。針皆禁。亦猶風溫之例。誤下則語言

難出也。中。喝。誤。汗。則。爲。重。喝。陰。既。受。傷。復。汗。以。耗。之。亦。猶。中。喝。故。爲。難。治。仲。景。百。合。病。卽。專。指。重。喝。言。故。前。三。方。曰。主。汗。之。後。者。吐。之。後。者。下。之。後。者。又。言。不。因。汗。吐。下。曰。久。病。形。如。初。仍。守。治。太。陽。一。經。又。列。鬱。久。渴。不。止。一。法。變。發。熱。一。法。卽。鬱。熱。之。深。者。均。不。外。此。凡。初。受。暑。邪。審。係。火。證。輕。主。參。麥。重。主。白。虎。審。係。夾。溼。之。陰。證。卽。以。瓜。蒂。涌。下。之。而。更。斟。酌。於。數。方。之。中。無。不。奏。效。若。補。虛。化。溼。宜。甘。草。瀉。心。脈。數。無。熱。但。欲。寐。屬。少。陰。主。赤。豆。當。歸。散。陰。毒。陽。毒。亦。有。之。主。升。麻。驚。甲。法。皆。妙。神。而。明。之。在。乎。其。人。

赤小豆當歸散。赤小豆三升浸芽當歸等分末。漿水煮。二沸分

服。主溼熱鬱久。脈數無熱。但欲寐。默默汗出目赤如鳩眼。

甘草瀉心湯。本方加人參三錢。主溼熱鬱久。嘔吐善心疼多。

疑惑之證。爲補虛化溼之妙方。

麻杏甘石湯。香薷。杏仁。石膏。甘草。主心煩口渴頭痛。

汗出而喘之外證。

黃連阿膠湯。黃連。黃芩。白芍。阿膠。雞子黃。借治心

煩不眠之內證。豬苓湯。麻翹赤豆湯。均見寒門。

局方六一散。即天水散。滑石。甘草。共研末。井花水調。或燈

心湯下。加硃砂。名益元散。更有鎮心利溼之妙。暑門第一方。

千金生脈散。人參 麥冬 五味 酸甘化陰法。主脈散大喘。

促欲脫之神劑。預服可以卻暑。六味加麥味。名壯水丸。預服。

亦佳。

千金消暑丸。半夏 四兩 茯苓 二兩 甘草 二兩 薑汁丸。主吐瀉。

昏悶不醒。研灌立效。三法皆要方。消暑第一神方。

黃芪建中湯。黃芪 四錢 白芍 三錢 桂枝 錢半 炙草 二錢。

丹溪六和湯。人參 二錢 茯苓 二錢 砂仁 一錢 半夏 一錢 白朮 二錢。

藿香 二錢 木瓜 一錢 扁豆 二錢 杏仁 二錢 厚樸 一錢 生薑 一錢。